

TARIKH	12 / 9 / 2012	SEKSYEN	Nasional
MUKA SURAT	24	RUANGAN	Nasional

Empat kali buat rayuan

» *Tiga beranak syukur disenaraikan ke Tanah Suci*

Alor Setar: Tiga beranak bersyukur kerana hajat menunaikan ibadat haji bersama hampir tercapai selepas disenaraikan Lembaga Tabung Haji untuk menjadi tetamu Allah SWT pada musim kali ini.

Muhammad Naaim Ibni Hajar, 28, berkata impian mereka terlaksana selepas empat kali membuat rayuan sejak mendaftar pada 2006 bersama bapanya, Ibni Hajar Saad, 73, dan ibu Aishah Ismail, 57.

"Selepas dua tahun mendaftar, kami membuat rayuan bagi membolehkan dapat menunaikan haji pada tahun itu (2008), tetapi rayuan kami tidak berjaya.

"Pada 2010, hanya saya dan ibu saja diterima menunaikan haji tetapi kami menolak tawaran itu kerana tidak mahu membiarkan ayah pergi seorang diri," katanya kepada pemberita selepas majlis bacaan Yasin dan penyampaian sumbangan kepada bakal jemaah haji Parlimen Alor Setar, dini.

Katanya, untuk musim haji kali ini, mereka merayu sekali lagi selepas hanya ayahnya tersebut narai.

"Alhamdulillah, Allah SWT permudahkan urusan kami," kata pembantu am itu yang menegaskan perlu ke Tanah Suci bersama ibu bapanya bagi menjaga ayah yang uzur.

Pada majlis itu, Pengurus Bahagian Perhubungan UMNO Kedah,

Datuk Ahmad Bashah Md Hanipah menyampaikan sumbangan berupa kain ihram dan kain pelikat kepada jemaah lelaki serta telekung dan kain batik kepada jemaah wanita sebagai persediaan sebelum mereka berlepas ke Tanah Suci bermula 17 September ini.

"Walaupun mereka sudah membuat persiapan, pemberian ini adalah penghargaan kita kepada jemaah dalam membantu

mereka membuat persiapan seculupnya," katanya.

Beliau berkata bagi jemaah yang menerima surat selepas ini, mereka boleh ke Pusat Khidmat Dewan Undangan Negeri (DUN) Bakar Bata untuk mengambil sumbangan itu.

“Alhamdulillah, Allah SWT permudahkan urusan kami”

Muhammad Naaim Ibni Hajar

Bakal jemaah haji

BERITA HARIAN

ILMU DAN MAKLUMAT

TARIKH	12 / 9 / 2012	SEKSYEN	Nasional
MUKA SURAT	24	RUANGAN	Nasional



Ahmad Bashah (dua dari kanan) beramah mesra dengan Muhamad Naaim, Ibni Hajar, dan Aishah selepas majlis bacaan Yasin dan **penyampaian sumbangan kepada jemaah haji** dalam Parlimen Alor Setar.

(FOTO MARIA UFFA ZULKAPILLI/BH)